

Zeitschrift: Le conteur vaudois : journal de la Suisse romande
Band: 13 (1875)
Heft: 29

Artikel: Pensée
Autor: [s.n.]
DOI: <https://doi.org/10.5169/seals-183318>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 03.04.2026

ETH-Bibliothek Zürich, E-Periodica, <https://www.e-periodica.ch>

fusi que s'einfatè et sè désinfatè dein on borné ein fai. C'est dou martsaux que font cein djüi. Ti lè vagon, qu'on derai dai z'onibus, sont appondus pè dai grossès boccliès. Quand tot cein s'est z'u arretà et que lè dzeins dai z'onibus, que de vessont dè-cheindrè, furont frou, on espèce dè militéro no z'a de : Troisième en avant, marche! Ah! ah! mè su peinsà, l'assesseu a bin réson, ora qu'on a la révejon on no fà martsa rondò, tantqu'ai fennès que dussont assebin obéi. Et pi lè dzeins sont tant malonétos : no z'ont tant cougni et bussà po eintrà que yé laissi corre mon bissa, que l'est tsezi dein lo pacot et que ia z'u cinq z'ao d'ècliaffà, et que lé ramassà tot coffo. Pas petout n'ein età dedein que l'ont clliou la porta d'n'a fooce que la Marienne, qu'étai derrai mè, a z'u son gredon prai et que cllia pourra fenna étai quie coumein cllioulâie sein pòai fèrè on pas ni pi s'achetà, que cein mè fasai maubin et que l'a failu ràovri po la déliettà. Adon n'ein età einsordellà pè on subliet qu'arai fé mau à n'on sor; n'ein ohu dai soccliâiès coumein dai bào, et ne sein parti....

Eh bien! yaré cru que cein allavè pe rudo. On desai per tsi no que cein tracivè tant rai; nefà! on pao bin recognaitrè pè la fenétra lè sapins, lè nohis, lè ceresis et lè mâisons. Mâ n'ein reincontrà on outro tsmine dè fai que tracivè bin pe foo què lo noutro. Oh! cé ziquie a passà coumeint on einludzo, on n'a rein vu; n'aré pas volhiu l'ai étrè. Portant on pou après paret qu'on est z'allà destra rudo assebin, kâ on a passà dào dzo à la né sein s'ein apèçadrè; et pi cein fasai on boucan que la Marienne sè froulavè contrè mè et tot d'on coup lo dzo est revenu. Yé vouati pè la fenétra et on étai à fin fond d'on pecheint dérupo, et la né est revegna et pi lo dzo. Yé su après que l'étai cein que l'appelont lo tunet dè Mormont; on passè dézo dai voulès iò on ne vai pas on n'istièrè qué cauquies z'épèluès que saillont dè la tsemenà.

Adon on s'est arretà, et criavont défrou : Epèclons La Sarraz! Epèclons La Sarraz!... Vouaiquie dai tsecagnès, yé peinsà; sè volliont tapà. Yé vouati et né rein vu què cé que coumandavè à Tsavorné que criavè adé, et que l'est bin on merdào dè sè cottà contrè clliào dè La Sarraz. Cllia tsecagne n'a rein bailli; onna fenna est montâie vers no et ne sein parti. Lo bouélan est venu no demandà noutrè cartès que l'a péci avoué dai petitès z'étenâillès et no z'a rein de.

On pou après on s'est mé arretà et l'ont crià : Penthalaz, cochonniers! Penthalaz, cochonniers!... La! vouaiquie que l'insurtè enco clliào dè Penthalaz, et yé volhiu allà vairè, mà la Marienne m'a retenu pè mon pantet ein mè deseint : Se tè pliè, ne tè mèclia pas dé cein! et su restà. Yavé couâte d'arrevà à Lozena, ka on ne sè cheintai pas tant à l'éze perquie, et on coumencivè à avai fan, assebin n'ein àovai lo bissa, iò l'ai avai onna rude papetta et n'ein medzi on bocon dè pan et dè sáocece que n'ein du panà pè rappoo ai z'ao.

On s'est enco arretà dou iadzo et l'ont adé boeilà;

mâ n'ein rein volhiu ourè et ne sein arrevà à Lozena, qu'on a vito reinfatà lo resto dè noutra pedance dein lo bissa. Adon l'ont crià : Lausanne, les voyageurs pour Vevey, Saint-Maurice, 50 minutes d'arrèt!... Tai! que yé de à la Marienne : ye vont mettrè ai z'arrèts clliào qu'on insurtà lè dzeins dè La Sarraz et dè Peinthalaz, et que l'est bin lao dan; qu'ont-te fauta dé tsecagni lè bravès dzeins! — No faut no ramassa dè perquie, mè dit la Marienne qu'avai pouaire qu'on no mettè dedein assebin, et pè bounheu, cauquon no z'a crià : Par ici la sortie! et ne sein vito saillai, mà n'ein du bailli noutrè cartès. Quand n'ein età défrou, n'étai pas enco Lozena parce que la gâra n'est pas dein lo veladzo et n'ein età no chetâ su on moué dè pierrès po fini noutra sáocece ào fedzo ein atteindeint la bouéba que de vessai veni à noutron reincontro...

Po s'ein reveni, cein est mi z'allà. Ne crayo pas pi que sè séyont tsecagni; l'est veré qu'é droumâ dein lo vagon et n'é rein ohu. Yé trovâ dévânt dè reparti lo valet à Jean-Louis, lo Jone, et n'ein mardié bu trai quartettès dein la gâra même, que la Marienne a du mè trevougni à Tsavorné po mè fèrè dècheindre.

Ora, ne sé pas! clliào tsemine dè fai, cein est bin coumoudo po allà rudo quand on est pressà, ma on l'ai est pas tant bin, et y'améré atant qu'on ein mettè mein per tsi no, ka cein porrai amenâ dai tsecagnès.

C. C. D.

PENSÉE

La cheminée que surmonte la plus forte fumée n'est pas toujours celle qui annonce le meilleur repas.

Souscription en faveur des inondés du Midi de la France

dont le produit est versé dans la caisse du Comité de Lausanne.

Dons précédents, fr. 393 80. — M. J. Larguier, aux Bergères, fr. 30. — M. Golay, notaire, fr. 5. — M. Kraysenbuhl, fr. 5. — Total: fr. 433 80.

Faute de place, nous sommes obligés de renvoyer au prochain numéro la suite de notre feuilleton.

La livraison de juillet de la **Bibliothèque universelle et revue suisse** contient les articles suivants : I. La philosophie des fondateurs de la physique moderne, par M. Ernest Naville. — II. Proudhon, d'après sa correspondance, par M. Frédéric Baile. — III. Le docteur Weisemann. Nouvelle, par Mlle Julie Annevèlle (2^{me} partie). — IV. L'armée italienne pendant le choléra de 1867, de M. Ed. de Amicis. — V. Le second mariage de Pierre Viret. Episode du XVI^e siècle, par M. Amédée Roget. — VI. Chronique parisienne. — VII. Bulletin littéraire et bibliographique.

Bureau chez Georges Bridel, place de la Louve, Lausanne.

L. MONNET.